

Sistem slobodnog izbora posebnog doma za starije osobe

U općini Halmstad se primjenjuje zakon (LOV) o sistemu slobodnog izbora posebnog doma za starije osobe (preko 65 godina), doma za penzionere sa ili bez odjela za demenciju. To znači da Vi koji ste od referenta za pružanje pomoći dobili odluku za mjesto u posebnom domu za starije, imate pravo izabrati stan te sačekati dok se ne oslobodi mjesto kako bi Vam se ponudio smještaj u željenom domu.

Ograničenja u sistemu slobodnog izbora

Izuzeci su osobe koje borave u bolnici/privremenom smještaju i koje se ne mogu vratiti u dom dok čekaju mjesto u željenom smještaju. U tom slučaju se dodjeljuje mjesto koje je slobodno i nakon toga postoji mogućnost premještanja u željeni smještaj.

Osobe ispod 65 godine koje ulože zahtjev za poseban smještaj za starije nemaju pravo na slobodan izbor. Zahtjev se radi kod referenta koji treba da napravi istragu i nakon toga savjet za kućnu njegu treba odobriti ili odbiti eventualno plasiranje.

Poseban dom za starije ima odobrenje od općine

Općina je postavila posebne zahtjeve za dobavljače posebnog smještaja koji se moraju ispuniti kako bi dom bio odobren.

Na taj način se osigurava visoka kvaliteta staranja i njege. Općina redovno kontrolira djelatnost dobavljača.

Referent daje informaciju o sistemu slobodnog izbora te o raznim posebnim domovima između kojih možete birati.

Poseban dom za starije osobe u općini

Vi koji iz raznih razloga imate veliku potrebu za staranjem i njegom i ne možete dalje živjeti u Vašem domu, možete uložiti zahtjev za poseban smještaj.

Referent je taj koji odobrava poseban smještaj polazeći od Vaših osobnih potreba. Poseban dom Vam omogućava potrebnu pomoć osoblja 24 časa. Tu rade medicinske sestre, fizioterapeuti i ergoterapeuti. Vi koji ste u posebnom domu, imate stan ili sobu gdje ulazi poseban krevet. Sve ostalo opremate sami Vašim namještajem i koristite Vašu posteljinu. Postoje zajedničke prostorije za druženje, aktivitet i objede. Svaki dom predaje informaciju o stanarini, ponudi TV-kanala i internetu. Za informacije o kućnom osiguranju, kontaktirajte Vaše osiguravajuće društvo.

Kako izabrati

Pri ulaganju zahtjeva za poseban dom se ispunjava prilog sa Vašim izborom doma te se šalje odjelu za pružanje pomoći.

Osoba koja ne može da izabere ili koja odustaje od slobodnog izbora dobija ponudu za dom koji u tom momentu bude slobodan (opcija bez izbora/bez specifikacije).

Postoji mogućnost promijene doma. Kontaktirajte koordinatora za smještaj ili referenta.

Dodjeljivnje mjesta u posebnom domu

Koordinator za smještaje općine je taj koji nudi slobodno mjesto.

Useljenja i iseljenja se moraju vršiti bez čekanja. Pri useljenju, osoblje doma će Vam pružiti informacije vezano za praktične stvari, stanarine i slično.

Troškovi posebnog doma

Vi koji stanujete u domu za penzionere, plaćate stanarinu za stan. Informaciju o stanarini dobijate od svakog doma. Povrh toga postoje troškovi za njegu i hranu.

Kontakt podaci

Za kontakt sa referentom ili koordinatorom smještaja nazovite Halmstad Direkt na 035-13 70 00.

Kontakt podaci dobavljača se nalaze na prezentacijama i na internetu.

Više informacija, obrazac i prezentacija raznih domova se nalaze na web stranici općine Halmstad, www.halmstad.se.